

Broj: 02- 11-14724 /24
Mostar, 06.09.2024. godine

Na osnovu člana 43. Statuta Grada Mostara («Gradski službeni glasnik Grada Mostara», broj: 4/2004 i «Službeni glasnik Grada Mostara», broj: 8/2009 i 15/2010), člana 13. Zakona o principima lokalne samouprave u Federaciji BiH («Službene novine Federacije Bosne i Hercegovine», broj: 49/2006 i 51/2009), člana 14. Zakona o mladima Federacije Bosne i Hercegovine («Službene novine Federacije Bosne i Hercegovine», broj: 36/2010), i člana 3. Odluke o kriterijima i postupku za raspodjelu sredstava granta namijenjenog za projekte mladih iz Budžeta Grada Mostara («Službeni glasnik Grada Mostara», broj:7/2011) Gradonačelnik Grada Mostara objavljuje:

JAVNI POZIV
za raspodjelu sredstava granta namijenjenog za projekte
mladih iz Budžeta Grada Mostara za 2024. godinu

I

Pravo učešća imaju:

- omladinska udruženja koja su registrovana u Bosni i Hercegovini i imaju sjedište na području Grada Mostara, a čiji projekti će se realizovati u interesu mladih Grada Mostara i na njegovoj teritoriji,
- neformalne grupe mladih (vijeća učenika srednjih škola sa područja Grada Mostara i dr.) uz administrativnu podršku ustanove ili udruženja sa sjedištem na području Grada Mostara.

Pravo učešća imaju i omladinska udruženja i neformalne grupe mladih čije je sjedište na teritoriji druge općine, pod uslovom da se projekat kojim se prijavljuju realizira u interesu mladih Grada Mostara i na području Grada Mostara.

Aplikant može aplicirati na ukupan iznos vrijednosti projekta ili dio nedostajućih sredstava – sufinansiranja, što je dužan navesti u prijavnim obrascu.

II

Sredstva za odobrene projekte iz utvrđenih prioriternih oblasti trebaju iznositi od 1.000,00 KM do 4.000,00 KM po projektu.

Sveukupna planirana sredstava za Javni poziv planirana Budžetom Grada Mostara za 2024. godinu iznose 20.000,00 KM.

Grad zadržava pravo da se ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

III

Uslovi za korištenje budžetskih sredstava su:

- A. da se projekt implementira na području Grada Mostara i u interesu mladih Grada Mostara,
- B. da se projekt na drugi način ne finansira sredstvima Grada,

C. da se projekt odnosi na sljedeće:

- projekte koji imaju za cilj poboljšanje života mladih, promovisanje volonterizma i timskog rada,
- originalne, zanimljive i korisne projekte koji podstiču mlade da se uključe i budu aktivni članovi sredine u kojoj žive,
- projekte koji odgovaraju lokalnim potrebama i imaju uticaj na lokalnu zajednicu,
- projekte koji potiču mlade na demokratiju, toleranciju i ravnopravnost spolova,
- projekte koji se odnose na kreativno izražavanje (književnost, likovna umjetnost, muzika, ples, umjetnička fotografija, film i sl.),
- projekte u oblasti društvenog života i slobodnog vremena mladih,
- projekte od uticaja na prevenciju ovisnosti i promociju zdravog života, sporta i slično,
- kao i ekološke projekte i one koji pružaju podršku mladima s posebnim potrebama.

IV

Kriteriji za odabir projekata su sljedeći:

a) Eliminatorski kriteriji:

1. neblagovremena i nepotpuna ili netačna projektna aplikacija;
2. projektne aktivnosti se planiraju realizirati izvan područja grada Mostara;
3. nedostaju ključne informacije u projektnom prijedlogu;
4. projekt je usmjeren na promociju političke stranke,
5. nije opravdan utrošak sredstava za ranije odobrene projekte od strane Grada,

b) Pozitivni kriteriji:

1. važnost projekta za oblasti navedene u glavi II C. ovog Javnog poziva,
2. udruženja odnosno neformalne grupe mladih imaju kvalifikovano članstvo za realizaciju projekta,
3. jasna definicija ciljne grupe (kome je namijenjen, te da obuhvata veći broj korisnika),
4. da su očekivani rezultati (efekti na ciljnu grupu) mjerljivi, realni i ostvarivi,
5. udruženja koja su učestvovala u obilježavanju značajnih datuma i događaja u gradu Mostaru, državnim i međunarodnim takmičenjima.
6. da je budžet projekta realan i u skladu sa aktivnostima.

V

Odluku o raspodjeli sredstava granta za projekte mladih donosi Gradonačelnik na prijedlog Komisije za ocjenu i izbor projekata za mlade, koja je sačinjena u skladu sa kriterijima propisanim Odlukom o kriterijima i postupku za raspodjelu sredstava granta namijenjenog za projekte mladih iz Budžeta Grada Mostara.

VI

Prijava na Javni poziv podnosi se isključivo na propisanim prijavnim obrascima: Prijavni obrazac A1, Obrascu projektnog prijedloga A2 i Obrascu za budžet projekta A3, koji se mogu preuzeti u pisarnici gradske uprave ili sa web stranice Grada www.mostar.ba.

Prijava na Javni poziv obavezno treba da sadrži:

1. Kompletno popunjen Prijavni obrazac A1,
2. Projektni prijedlog prijedloga - A2, sa detaljno i jasno definiranom ciljnom grupom i očekivanim rezultatom,

3. Specifikaciju troškova za realizaciju projekta tj. budžet projekta na Obrascu za budžet projekta A3,
4. Rješenje o registraciji omladinskog udruženja odnosno za neformalne grupe mladih rješenje o registraciji ustanove ili udruženja koje daje administrativnu podršku projektu,
5. Narativni i finansijski izvještaj o poslovanju u prethodnoj godini za udruženja nosioce i partnere (bilans stanja i bilans uspjeha za prethodnu godinu), a za neformalne grupe narativni izvještaj o radu za prethodnu godinu.
6. Kratak opis udruge/neformalne grupe sa podacima o prethodno realiziranim projektima i kvalifikaciji kadrova koji implementiraju projekt (odgovorne osobe, suradnici, volonteri),
7. Preporuke eksperata iz relevantnih oblasti – ukoliko ih posjeduju,
8. Za projekte koji se realizuju u školama pismena suglasnost direktora škole.

VII

Ukoliko omladinska udruženja, neformalne grupe mladih kojima su dodijeljena sredstva po Javnom pozivu za prethodnu godinu od strane Grada Mostara nisu na vrijeme dostavili izvještaj o realizaciji projekta (sa detaljnim opisom faza realizacije i detaljnim obrazloženjem eventualnih odstupanja, uključujući i finansijski izvještaj) u skladu sa potpisanim Ugovorom o dodjeli sredstava, neće moći učestvovati u raspodjeli sredstava na ovom Javnom pozivu.

VIII

Popunjeni obrasci sa priloženom dokumentacijom navedenom u Javnom pozivu, podnose se u zatvorenoj koverti poštom ili predaju u protokol Grada Mostara:

sa naznakom „Komisiji za ocjenu i izbor projekata za mlade“, Adema Buća br. 19, Mostar.

Rok za podnošenje prijave je 15 (petnaest) dana od dana objavljivanja Javnog poziva u sredstvima dnevnog informisanja i web stranici Grada Mostara www.mostar.ba.

Sve dodatne informacije zainteresovani mogu dobiti u Službi za odgoj, obrazovanje, mlade i sport, Ulica Kralja Tvrtka bb (raniji Đački dom), telefon 337-909.

Neblagovremene, nepotpune i netačne prijave se neće uzeti u razmatranje.

O rezultatima Javnog poziva odnosno o Odluci o raspodjeli sredstava granta namijenjenog za projekte mladih iz Budžeta Grada Mostara za 2024. godinu, podnosiocima prijave će biti obaviješteni putem web stranice Grada Mostara.

Odabrani korisnici po ovom Javnom pozivu potpisat će Ugovor s Gradom Mostarom čime se obavezuju na poštivanje odredbi istog.

Dostavljena dokumentacija se ne vraća.

Dostaviti:

- Sekretarijatu/Tajništvu Gradonačelnika – za objavu
- Odjel za organizaciju, pravne poslove, opću upravu, civilnu zaštitu i vatrogastvo - za Oglasnu ploču
- Odjelu za društvene djelatnosti
- A/a



.....

.....

.....

.....

.....

Handwritten signature